
Vår referanse	2021/47094-3
Dato	16.09.2021
Sakshandsamar	Endre Korsøen
Telefon	917 64 632
Epost	endre.korsoen@vlfk.no

Alver kommune

5914 ISDALSTØ


Blom Fiskeoppdrett AS - Søknad om løyve til utviding av anlegg for oppdrett av matfisk av laks og aure på lokalitet 11652 Kjeppvikholmen i Alver kommune

Vestland fylkeskommune viser til søknad motteke 15.09.2021 frå Blom Fiskeoppdrett AS om løyve til utviding av anlegg for oppdrett av matfisk av laks og aure på lokalitet 11652 Kjeppvikholmen i Alver kommune.

Søknaden gjeld utviding av maksimalt tillaten biomasse (MTB) frå 2340 til 3900 tonn. Søknaden inneber ein auke i MTB på lokalitet Kjeppvikholmen med 1560 tonn. Denne produksjonskapasiteten vert «henta» frå lokalitet 10080 Laksevika i Alver kommune slik at den samla lokalitetsbiomassen i Herdla fjorden ikkje vil auke. Verksemda ønskjer å legge ned lokalitet 10080 Laksevika og flytte lokalitetsbiomassen til lokalitet 11652 Kjeppvikholmen.

Det vert søkt om å få klarert areal for utlegging av ei rammefortøying bestående av 9 rammer a 100x100 meter, samt fortøying av ein fôrflåte. Flåten er tenkt plassert på landsida av rammefortøyinga..

Kartet under syner omsøkt plassering av installasjonane og arealplanen.



Det er gjennomført ein forundersøkelse ved lokaliteten i august 2021, og det vil bli utført ei supplerande utgreiing av den omsøkte endringa. Desse rapportane er endå ikkje klare, men vil bli ettersend.

Som bakgrunn for søknaden oppgjev Blom Fiskeoppdrett mellom anna at dei som einaste aktør i Herdlefjorden, i mange år har drifta dei to lokalitetane Laksevika og Kjeppvikholmen. Dei vedvarande utfordringane av drifta innanfor eit militært område gjer at dei ikkje får fornya anlegget ved Laksevika. Den beste måten å sikre drifta i området er difor å slå saman dei to anlegga til eit større anlegg ved Kjeppvikholmen. Nytt anlegg ved Kjeppvikholmen vil bestå av opptil 9 ringar i ei rekke, med ein MTB på 3900 tonn. Den samla MTB i Herdlefjorden vil vera uendra, og det auka anleggsarealet ved Kjeppvikholmen gjer at belastninga vert betre spreidd for å minske fotavtrykket på botn. For ytterlegare detaljar viser vi til søknaden.

I kommuneplanen ligg omsøkt areal for plassering av anlegg og fôrflåte i område avsett til kombinert føremål med akvakultur FEFIK. Fortøyinga vil delvis gå inn i areal avsett til naturområde mot nord og kombinerte føremål i sjø og vassdrag mot sør. Desse føremålet er ikkje til hinder for naudsynt fortøying av anlegg for akvakultur.

Tiltaket fell inn under forskrift om konsekvensutgreiingar. Søknaden skal då handsamast etter § 10 i forskrifta. Såkalte vedlegg II-tiltak kan berre påleggast «supplerande utgreiingar» dersom det er venta at tiltaket vil få vesentlege verknader som ikkje allereie er gjort greie for i søknaden.

Fylkeskommunen si vurdering er at miljødokumentasjonen i søknaden gir godt nok grunnlag for å vurdere om tiltaket får vesentleg verknad for miljø og samfunn, jf. vedlegg III i forskrifta. Dersom berørte partar meiner tiltaket kan få vesentlege verknader, og desse verknadane ikkje allereie er tilfredsstillande gjort greie for i søknaden, må dette meldast til fylkeskommunen innan 4 veker etter kunngjering. Vi minner om at det er fagmyndigheitene for dei respektive kriteria i vedlegg III som skal vurdere om dei meiner tiltaket kan få vesentlege verknader innanfor sitt område og eventuelt melde dette inn til fylkeskommunen. Det skal konkretiserast kva forhold som bør utgreiast nærmare.

Offentleg utlysing og kommunal uttale

Vestland fylkeskommune ber om at Alver kommune vurderer søknaden, samt legg søknaden ut til offentlig ettersyn, i samråd med søkjar, i ein periode på 4 veker. Søknaden skal i denne samanheng annonserast i Norsk Lysingsblad og to aviser som er vanleg lest i området (jf. *Forskrift av 22.12.2004 nr. 1798 om tillatelse til akvakultur for laks, ørret og regnbueørret § 8*). Faktura for annonseutgifter kan sendast til søkjar.

Eventuelle merknader frå offentlig ettersyn og kommunen sin uttale, ber ein om vert send til Vestland fylkeskommune snarast råd.

Dersom noko er uklart i samband med handsaming av søknaden, ber vi om at De tek kontakt.

Endre Korsøen
seniorrådgjevar

Brevet er godkjent elektronisk og har derfor inga underskrift.

Kopi: Blom Fiskeoppdrett AS

Saksgangen i søknader om klarering av akvakulturlokalitet:

